

敬日堂外集目錄

卷之三

親享北太廟恭紀

壬午正月初九日

祈穀導引恭紀

十一日

察覆各監職掌疏

十四日

欽遣山川壇祈雪紀

十六日

附五嶽及霍嶽考

議定宋六子位次疏

二月

典禮告成疏



兩侍藉田 賜宴恭紀 十九日

覆教坊樂舞疏 廿六日

議覆舉人葉嘉徵等疏 廿九日

擬冊封 永王文 三月廿一日

糾張真人疏 廿四日

開送部院起廢單 五月初十日

親祀北郊恭紀 廿六日

請行謚典疏

召對 祧廟事紀 六月十八日

卷三目終

親享 太廟小紀 壬午正月初九日

正月初六日

上御皇極殿奏祭初九日

上親享

太廟大雪諸臣拜起廟庭雪中

上拜揖最恭且久每一揖環默誦清廟維天維清

烈文諸頌每一拜默誦

祖宗十三廟號尚未起也李夢陽雪詩伏謁深沾佩

朝回細濕衣良與景對是早凍甚而

上對越登降致謹不用煖耳諸臣皆去煖耳方拜
時太宰李公日宣始至側入班行禮而定國
公徐允禎在前立亦稍侵 御路御史糾之
皆不問既出

上在廟門外易常服喜雪坐有頃始步出登

輦蒼松翠栢綴玉砌瓊諸臣相慶以爲盈尺瑞

雪云

祈穀導引恭紀 崇禎壬午

祈穀用孟春上辛禮也 國初惟以仲春上

戊祭 先農卽親耕藉田不行祈穀之禮嘉

靖十年辛卯始改 圜丘爲大享殿行祈穀

禮奉

高皇帝配然亦一再舉而罷崇禎十四年辛巳正月

初五日上辛

上復舉行有 旨祈穀除不散齋不出宿於郊齋

宮不朝亥時正三刻止升一燈外其恭視

壇位邊豆牲隻如 園丘儀行奏祭著改於正月
初一日樂章奏舞著太常寺勤督樂舞生預
爲演習及十五年壬午正月上辛卽在朔日
辛未禮部以朝賀不便疏請改十一日辛巳
爲中辛得

旨改中辛日行禮德璟叨在部充導引官親奉
聖躬周旋對越蓋自嘉靖辛卯後且百年而再舉
也

壬午正月初五日

上常服詣太廟以 親詣 南郊視牲預告於

太祖及 列祖神御前仍 欽遣禮部左侍郎王錫

衮右侍郎臣德璟詹事黃景昉充上香導引
官

初六日遣勳臣等恭代視牲

初七日

上御 皇極殿太常寺奏祭祀初八日爲始致齋

三日

初八日質明

上嘗服乘輿詣 太廟門西降輿至 廟門幄次

內具祭服詣 太廟告請

太祖配神行禮畢出至幄次易皮弁服回 御皇極

殿太常寺光祿寺官奏省牲

初九日大雪

上親享 太廟禮畢臣璟卽偕王黃二公冒雪出

南郊宿太常別院是日午後太常官捧蒼玉帛

匣香盒同神輿亭進於 皇極殿內司禮監

官捧帛同安設於 御案之北

初十日質明

上御皇極殿太常卿捧祝版從 中左門進安於

御案上

上親填 御名訖太常卿捧安於 輿中司禮監

官進玉帛

上親裝於各匣內安訖太常寺官以次奉安 輿

中太常卿隨捧香盒於香亭右跪

上三上香行一拜三叩頭禮畢轉於東西向立錦

衣衛官旗入擡輿亭從 中門出太常卿隨

詣大享殿 神庫奉安

上遂詣太廟以親詣南郊行祈穀禮預告於

太祖及

列祖神御前行禮畢還宮是日早璟偕王黃二公

及太常少卿高倬具吉服冒雪至大享殿

皇乾殿演禮即在北天門內候駕至未時錦

衣衛官備法駕設板輿於皇極門下正中

上嘗服御皇極門太常卿奏請

聖駕詣南郊行祈穀禮於大享殿

上陞輿掌衛官跪奏起輿從午門端門承

天門大明門正陽門詣南郊壇內西

天門至神路迤西臣璟偕王黃二公及高

少卿面駕序立行叩頭禮畢分兩傍候

上降輿臣璟等導

上從大享南門左門入太常卿党崇雅跪迎

同導

上至丹陛太常卿導

上至 大享殿左門入恭 視 神位臣璟等先
詣東陛前候

上視 神位畢太常卿導

上從東陛下臣璟等同導

上至 神庫 視邊豆至 神厨 視牲太常卿

逐一奏畢復同臣璟等導

上仍從 大享南門出迤西 陛輿至 齋宮陪

祀各官免朝參是日雪勢特猛導引往還可
數千武而神庫門路甚深滑

上亦徐行俯體諸臣便步趨也至一更時臣璟等
三人具祭服詣 皇乾殿行一拜三叩頭禮
王公上香請 神璟與黃公導引太常官以
次捧

昊天上帝正位

高皇帝配位神版詣 大享殿奉安訖臣等三人卽
趨至大次候 駕亥時一燈起萬燈齊明燦
如列星

上嘗服乘輿冒大雪從 齋宮東門出至 神路

之西降輿導 駕官導

上至大次臣環三人及太常卿復命

上乘圭曰朕知道了少頃具祭服出導駕官導從
大享南門左門入行祈穀禮用十二拜如 大

祀儀祭畢

上出至大次易嘗服不回 齋宮卽從 西天門

還至 太廟參謁如前儀畢 還宮禮部右

侍郎兼侍讀學士蔣德璟謹記

環按月令孟春天子以元日祈穀于上帝註謂

以上辛郊祭天春秋傳曰啓蟄而郊郊而後
耕郊特牲曰郊用辛註凡爲人君當齋戒自
新盧植蔡邕曰郊天是陽故用日耕藉是陰
故用辰孔穎達曰甲乙丙丁等謂之日子丑
寅卯等謂之辰元者善也元日郊用辛元辰
耕用亥黃道周日春日甲乙則未知其果上
辛也

高皇帝初以冬至祀

天圜丘夏至祀

地方澤洪武十年罷之而止以正月上辛合祀

天地于 大祀殿并日月星辰山川等神俱在焉其

禮甚省其敬甚專嘉靖九年罷之而分爲圓

丘方澤朝日夕月四郊其 大祀殿則以孟

春上辛祈穀十年又改啓蟄日祈穀二十四

年又改 大祀殿爲大享殿然祈穀禮不復

行崇禎十四年復行祈穀禮用上辛十五年

用中辛云

奉 旨詳察各監局職掌疏 崇禎壬午正月

禮部 題爲欽奉

聖諭事儀制清吏司案呈奉本部送崇禎十四年

十二月十七日該司禮監太監王裕民等傳

奉

聖諭諭禮部并在內各監局等衙門官嘗典制內

外攸分本職之外豈宜侵越我

太祖高皇帝酌古式今獨嚴近習之防 勅內官毋

預外事一時朝政清明法紀整肅拔本澄源意

甚深遠朕鑒後追前凜持

祖訓自今神宮等監及各司局庫等衙門或典禮繕
戎或鳩工筦鑰或司膳服或辨文書都著勤慎
小心料理本等職業應釐剔的極力釐剔應節
裁的加意節裁各要精專供事守法奉公不許
違越

祖制干預在外政事違者卽以亂政叅拏處斬不貸
該部監仍詳察舊典將各監局職掌逐一開
列來奏特諭欽此欽遵傳出到部送司案呈到

部臣等捧誦

聖諭仰見

皇上神武英斷卓越古今 睿慮鴻謨同符

聖祖蓋嘗逖稽周官內職不滿百人糾禁王宮掌干
小宰古聖垂法豫戒將來蓋其慎也

太祖高皇帝實詳鑒于往代而取衷之其設內官也
監司局庫各有定員秩不過四品俸不過月
一石而且糾劾有令交通有戒豫政與兵有
禁謹內外之防杜假竊之漸至尚論漢唐已

事而三致意焉淵哉

大訓亘古不易矣雖二十五年曾遣太監而聶慶童
往諭陝西河州等衛所番族令其輸馬以茶
給之然往諭屬番於軍民無與且不假事柄
亦暫往卽還終洪武之世無他特遣此所以
致清明整肅之治開萬世太平之基也乃若
列聖纘承宮府之大防無改而時事偶異中外之
任使間聞如永樂中始有遣使外夷及遣往
甘肅巡視却來回話者洪熙中始有守備

南京者正統中始有率兵討賊征虜及各省
鎮守者景泰初遘會多艱始有分坐十營或
稱監鎗者然仍聽尚書于謙等節制至正德
中邊關始置內監且令提督禁兵內操分
坐勇士四衛軍營益非

祖宗之舊矣他如監工監器會同審錄蘇杭織造權
稅開礦之役大約利少害多兼亦旋設旋止
操縱在握一時暫托權宜而事任遞遷易世
每多釐正實惟

世宗肅皇帝毅然裁革獨斷於先我

皇上剪除逆璫媲美於後總之稟成于

高皇帝訓諭內臣母預政事外臣母行交結二語足
括千古治亂之源矣臣等伏讀

寶訓深遡

詒謀不使有功自無竊柄之患掌令畏法實杜亂政
之階故委腹心則威福移寄耳目則羅織啓
遵典章則職守自恪嚴內外則侵越不生此
實鑒古酌今可以無敝而

神孫

聖祖於焉一揆者也謹遵

聖諭備察 舊章將各監局職掌著爲令甲可考
見者臚列上呈

御覽至於供事掖庭位置日備因時增設外牒未
詳及釐飭節裁等事應聽該監臣逐一開列
具奏恭候

聖明裁奪施行

計開

洪武二十八年重定內官品秩

凡監十一

神宮監掌 太廟祭器及祭祀灑掃 殿庭廊廡

尚寶監掌 御寶璽勅符將軍印信

陵神宮監掌洒掃 殿庭及栽種菓木蔬菜之事

尚膳監掌供養 奉先殿并 御膳與宮內食

物之類及督光祿寺供奉 宮內諸筵宴飲

食之事

尚衣監掌 御用冠冕袍服履舄靴襪之事

司設監掌 御用車輿床榻衾褥帳幙諸事

內官監掌成造婚禮奩冠舄傘衾褥帳幙儀仗

及內宮內使貼黃諸造作并 宮內器用首

飾食米土庫架閣文書鹽倉米窖

司禮監掌冠婚喪祭禮儀制帛與 御前勘合

賞賜筆墨裱背書畫并長隨當差內使人等

出門馬牌等事及催督光祿寺造辦一應筵

宴

御馬監掌 御馬及諸進貢并典牧所關收馬

駟騾之事

印綬監掌

誥券貼黃印信選簿圖書勘合符

驗信符諸事

直殿監掌洒掃 殿庭樓閣廊廡之事

以上每監設太監一人秩正四品左右少監

各一人從四品左右監丞各一人正五品典

簿一人從五品又設長隨奉御正六品

各門掌晨昏啓閉關防出入

午門 端門 承天門 東華門 西華門

玄武門 奉天門 左順門 右順門

以上每門設門正一人秩正四品門副一人

從四品

司二

鐘鼓司掌 奉先殿祭樂及 御樂并 宮內

宴樂與更漏早朝鐘鼓諸事

惜薪司掌 宮內諸處柴炭之事

以上每司設司正一人秩正五品左右司副

各一人從五品

局六 一人 正五品

兵仗局掌御用兵器并提督匠役造作刀甲之類及宮內所用梳篦刷剔針剪諸物

內織染局掌染造御用及宮內一應段疋

絹帛

針工局掌成造婚禮衣服付內官監收用及造

內官諸人衣服鋪蓋諸事

巾帽局掌造內官紗帽靴襪及預備賞賜巾帽

諸事

司苑局掌宮內諸處蔬菓及種田之事

酒醋麵局掌內官諸食用酒醋麵糖諸物

庫三

內承運庫掌收支段疋金銀珠玉象牙諸寶貨之物及同司鑰庫掌鈔錠之數

司鑰庫掌內各衙門鎖鑰及收錢鈔之事

內府供用庫掌御用香米及內用香燭油米并

內官飯食菓食之類

以上每局庫設大使一人秩正五品左右副

使各一人從五品

洪武三十年增置

都知監掌內府各監行移一應關支勘合設太監一人秩正四品左右少監各一人從四品左右監丞各一人正五品典簿一人正六品銀作局掌造內府金銀器用設大使一人正五品副使一人從五品

洪武二十八年定

東宮 諸王

公主內使

東宮設

典璽

典樂

典膳

典服

典兵

典乘六局各設局郎一人秩正五品局丞二人秩從五品惟典璽局增設紀事奉御秩正六品 典璽局掌 璽寶翰墨諸事 典樂

局掌同御醫脩合藥餌供進湯液之事 典

膳局掌供進膳羞

典服局掌冕弁冠帽袍

服佩刀靴襪諸物

典兵局掌甲冑戈矛弓

矢刀劍諸物

典乘局掌車馬之事

親王府設承奉司掌

王府諸事凡事則呈長

史司并護衛指揮使司行之與內官衙門不

相統攝設承奉正秩正六品承奉副秩從六品所三曰典寶曰典膳曰典服典寶掌王之寶設典寶正一人秩正六品副一人從六品典膳典服掌飲膳衣服之事各設正一人秩正六品副一人從六品門官二人掌王城宮殿門啓閉關防出入設門正秩正六品門副從六品設內使十人司寇一人司衣三人司佩一人司履一人司藥二人司矢二人

公主位下設中使司掌府中諸事司正司副各一人皆雜職

崇禎十五年正月十四日奉

聖旨據奏各內監及門司庫等衙門既有本等職掌舊制具在豈容踰越著各恪守典章以免侵曠凜奉法度以明糾虔有敢干預政事交結外官者定以違旨重治其或供事日煩位署欲備因時增減別有成規司禮監察明開列來看該衙門知道

右各監局職掌 會典不載部中案牒亦無
可稽德璟與左堂王公錫袞互相參訂因細
攷 實錄及吾學編今言函史史料名山記
蕪史諸書詳酌回奏是時

上太阿在握宮府肅清庶幾復

祖之舊云

欽遣

祈雪

山川壇小紀

崇禎壬午正月

辛巳冬未雪

上臘朔之夜傳

諭令禮部祈雪臣璟待罪本部

卽與署部左堂王公具疏初二日蒙 遣臣

璟祈于山川壇且令竭誠行禮初四日五鼓

馳至 南郊先農壇祠祭署太常官捧

祝版至盥手親填名訖卽從 齋宮過數百武

至山川壇外太常官以紅紗籠雙引前導步
入壇至祭所贊引官贊詣盥洗所太常官捧

盆盥洗畢就拜位唱迎神贊陞壇太常官導
繇西級上至中五壇香案前跪上香又至左
右二壇上香復位四拜奠帛行初獻禮太常
官代獻贊跪唱讀祝俯伏興平身亞獻終獻
俱如之送神四拜讀祝官捧祝進帛官捧帛
凡九匣每匣五色帛三共二十七帛各詣瘞
位卽隨詣焚所一躬禮畢復歸祠祭署用小
飯歸是日 賜胙次日具疏復命并謝胙自
此遂與王公輸入部 行香祈拜

維崇禎十四年歲次辛巳十二月壬寅朔初四
日乙巳

皇帝遣禮部右侍郎兼翰林院侍讀學士蔣德璟
致祭于 山川之神日三冬不雪望斷三農
憂懼靡遑特申籲禱惟 神鑒格速霽六花
惠徼豐登式彰 靈應謹 告

欽遣謝雪

臘四日祈雪至廿二日始微雪壬午元日夜
雪而順天府亦報郊外諸處雪及初九日

上享 太廟大雪花皆六出初十日 駕出正陽門至 南郊復大雪花如稷米十一日子時行 祈穀禮花皆冰片夜晃有光連雪三日深數尺徧地瑤玉 天顏喜甚遂卽日上謝雪疏有 旨詎十六日寅時謝雪復 遣環謝山川壇而十五日戌時

上特傳諭到部令欽遣各官虔肅行禮不許錯過吉時是夜上元也夜不敢寐卽以四鼓馳至正陽門開鎖出至 山川壇親填 祝版趣太

常各官將事成禮時天始明遂 手報命云

論周嶽與虞夏商不同漢嶽與虞周不同舜典有四嶽不言中嶽王制亦然其言井田惟有恒山衡山不言泰華嵩山蓋王制南北以山爲至東西以水爲至故五嶽言其二舜典言四方巡狩所至地故五嶽言其四初無嵩山之名職方山鎮有恒有岱有華有衡有霍不言嵩高而有嶽山蓋周都在五嶽之外故

以雍之吳山爲嶽山此周嶽與虞夏商不同也舜典南嶽孔安國以爲衡山職方山鎮亦曰衡山是衡爲南嶽明矣而爾雅有二說河南衡山爲南嶽又以霍山爲南嶽蓋漢武帝巡南郡禮天柱山號曰南嶽是以衡山遼遠而移其神于霍山也說者謂一山兩名失之矣此漢嶽與虞周不同也周官小宗伯兆四望於四郊鄭玄謂四望爲四嶽兆謂壇之營域也秦自嶠以東所祠者其山則嵩山恒山

泰山會稽其川則濟淮自華以西所祠者其山則華山嶽山河祠於臨晉江水祠於蜀漢祖亦祠河于臨晉武帝祠中嶽太室又禮瀟山於瀟西嶽華山於華陰北嶽恒山於上曲陽河於臨晉江於江都淮於平氏濟於臨邑界中光武祀北郊祀地祇從祀中嶽在未四岳各在其方孟辰之地在中營內海在東四瀆河在西濟在北淮在東在外營內晉立北郊於覆舟山五嶽四望海瀆皆從祀隋祀四

鎮并冀州鎮霍山俱就山立祠祀東海於會稽縣界南海南鎮俱近海立祠四瀆亦如之唐制嶽鎮海瀆既皆從祀方丘又每年以五郊迎氣日祭之於本界東嶽岱山祭于兗州東鎮沂山祭于沂州東海於萊州東瀆大淮於唐州南嶽衡山於衡州南鎮會稽山於越州南海於廣州南瀆大江於益州中嶽嵩山於雒州西嶽華山於華州西鎮吳山於隴州西海及西瀆大河於同州北嶽恒山於定州

北鎮醫巫閭山於均州北海及北瀆大濟於洛州皆命本界都督刺史行事開元天寶又遣使分祭之宋制祭東嶽於兗州西嶽於華州北嶽於定州南嶽於衡州中嶽於河南府東鎮於沂州南鎮於越州西鎮於隴州中鎮於晉州東海於萊州南海於廣州西海河瀆並於河中府北海濟瀆並於孟州淮瀆於唐州江瀆於成都府遙祭北鎮醫巫閭山於定州北嶽祠各以本縣令尉兼廟令丞專掌其

事真宗景德中加五嶽帝號遣使卽其廟祀
之神宗元豐中建四望壇於四郊望祀嶽鎮
海瀆每方嶽鎮共一壇海瀆共一坎元遣使
致祭皆就嶽鎮海瀆之廟我

明旣於 國城南建祠合祀若遣使致祭則各
就嶽鎮瀆之廟云崇禎十五年正月十六日
德璟記

附五鎮及霍嶽攷

北鎮醫巫閭山在遼東廣寧衛舜封十有二山
以此山爲幽州之鎮其山掩抱六重故又名
六山上有桃花洞又聖水盆三其水自懸巖
下瀉雖冬不冰又有仙人巖飛瀑巖山下有

呂公巖

東鎮沂山在青州臨朐南百餘里卽古盖與朱
虛地顏師古曰沂山在盖鄭志曰朱虛有東
泰山水經云巨洋水出朱虛縣泰山酈道元

注曰泰山者東泰山也巨洋水卽國語所謂
巨水表宏所謂具昧王韶之以爲巨蔑亦曰
東胸瀾皆一水也西則遠宗岱嶽東則俯視瑯
琊山之巔爲百丈崖有飛泉下灑曰瀑布左
麓爲東鎮廟中有堯栢背負鳳凰嶺南有穆
陵關界長城書案二嶺之間管仲所謂南至
穆陵是也大峴柳龍諸山環其左仰天逢山
繞其右嵩胸委粟奠其北金泉瀾水經其後
夏有望秩之典周有埋沉之祭秦祠加車乘

騶駒

西鎮吳山在鳳翔府隴州南七十里山有五峰

一曰西鎮二曰大賢三曰靈應四曰會仙五

曰望輦書導岍及岐岍卽此也周禮雍州山

鎮曰嶽山卽指此山水經云吳山之峰秀出

雲霄山頂相捍望之常有落勢其位西方故

曰西鎮

南鎮會稽山在紹興府會稽縣東南一十二里


古防山也亦曰苗山曰茅山曰衡山曰釜山

曰覆鬴曰棟山曰南山其實一山也山海經曰會稽山上多金玉下多銖石勺水出焉史記禹會江南計功而崩因葬焉命曰會稽會稽者會計也山之東有窆石窆石右爲禹廟廟之西曰中峰下有禹寺寺後相傳爲禹陵陵有禹井山東北嶺有降仙臺西北與宛委接上有石匱壁立中有穴號陽明洞卽三十六洞天之一也夏禹發之得赤珪如日碧珪如月又得金簡玉字之書悟百川之理賀知

章纂山記曰黃帝號宛委穴爲赤帝陽明之府藏書於此大禹得書復藏之因謂之禹穴今人以陽明洞外飛來石下爲禹穴流傳失真

副南嶽霍山在廬州府霍山縣西南五里高七千七百七十丈封禪書曰元封元年冬上巡南郡至江陵而東登禮瀆之天柱山號曰南嶽浮江自潯陽出樅陽文穎曰天柱山在潯縣洞天記黃帝封南嶽衡山最遠以瀆霍副

之舜南巡狩中祀大交霍山貢兩伯之樂漢
武帝攷讖諱皆以霍山爲南嶽故祭其神于
此至隋開皇九年始定衡山爲南嶽廢霍山
爲名山黃庭內景經曰霍山下有洞方二百
里司命真君之府有西北東南四門中有五
香芝飛華金甌之寶神膳靈瓜食之者至玄
瀟嶽在潛山縣西北二十里一曰天柱山一曰
瀟山一曰皖山漢武帝以南嶽遠在衡山欲
南狩乃移於瀟山登封之故今爲霍山亦以
爲霍嶽云瀟山聳其北皖山揖其南雪山盤
其東霍屏在西有峰凡三十七



議定宋六子位次疏

崇禎壬午二月

禮部爲遵

旨詳議事祠祭清吏司案呈云

云看得理學淵源莫盛于宋而周張朱邵二
程六子尤爲儒宗其在聖門所謂聞性與天
道者也繼往開來之功視秦漢唐諸儒實超
津涯而上之我

皇上生知天縱妙契道原

聖學緝熙真接羲堯一脉邇以辟雍再蒞
釋奠
之次瞻仰
堂廡念六子與諸儒並稱先

肅氏敬日草
儒似無差別欲特加崇隆又以位次題稱通行已久其難其慎令臣部與詹翰等衙門詳察博議臣等敢不逃稽典故參酌見聞以稟皇上崇隆正學兼統君師之盛謹按遵

旨詳議者有二一曰題稱自四配十哲而下兩廡之間及門者稱賢不及門者稱儒其來已久肅皇帝時始再定之然如周惇頤之易通太極圖說程灝程頤之全書張載之正業東西銘邵雍之皇極經世觀物內外篇朱熹之啓蒙近思

錄小學諸書皆弘闡聖真力闢佛老精微廣大真得孔孟不傳之秘恐及門七十子亦未之或先也昔人稱通天地人曰儒儒名本貴而列在諸儒之內頗有未安進改先賢衆論僉允惟我

皇上實先得心之所同然者合無改題木主令該監堂上官告于先師行釋菜禮無容別議一曰位次古者立教本以明倫誓宗之秩序亦猶宗廟之昭穆也世次相仍誠如

明旨所云遵行已久攷弘治中先臣楊廉疏請申
明祀典謂周程張朱從祀位宜居漢唐諸儒
之上未見舉行嘉靖中先臣呂懷疏請道統
正傳皆進廟堂系之四配之下

肅皇帝以從享與四配等位次具歷代秩祀又經我
太祖欽定者議遂中寢今六賢位次之議大約亦楊
廉呂懷諸臣之意皆可采行然考洪武中

欽定則周程朱三賢皆仍前代封公而居漢唐諸
儒侯伯之下竊謂仍依世次似亦穩當且朱

熹受學于李侗有師生之誼似不便越居其
上而既稱先賢名號已別亦不以先後爲軒
輕也乃臣等恭繹

明旨所云經書性理大全六子爲多大賢哲大學
問大有功聖門此自千古定論則或進之漢
唐之上或進之宋儒之上以見七十子之後
道統之傳惟六子能得其宗而非漢唐宋諸
儒所可擬者自古衆言衷于聖人議禮本諸
天子

皇上羨墻千聖淵鏡群倫計

宸衷自有裁斷非臣等所敢擅定也而臣等猶有請者今六子格言蒙

特旨令儒臣纂緝而實際惟在設誠力行計其書雖多總以明通公溥主敬立誠爲要蓋性命之學卽治天下之大經大法非有精粗也程子在經筵雅多匡抹朱子上封事尤極剴明然當時尚有僞學之譏至今有不盡用之恨則表章其人不若熟玩其書卽刊布其書又

不若推行其道而昌大之我

皇上聰明睿智同符

聖祖當必有超然獨契于心者行且遡六子而承五百年聞知之統聖道之行其在今日乎緣係云云

崇禎十五年二月 日

此係璟初藁旋與署部王素公年丈商議以位次爲不必拘因改六子于十哲之下漢唐宋諸儒之前奉

青報可

前未

前未

典禮告成疏

崇禎壬午二月

題為微臣在禮言禮謹殫芻蕘以光

聖政事臣等叨佐禮官仰見

皇上敬

天法

祖備極精誠

郊廟必親

對越罔懈近者

祈穀

藉田 朝日諸大典禮相繼具舉臣等幸以菲

劣備駿奔之末仰藉

日躋聖敬獲告成事

又伏覩入春以來瑞雪疊飛豐登有象聞自

關內外至河北山東浙直一帶無不以盈尺之雪相慶者實數十年所希覲也至耕藉再舉尤爲曠典蓋

高皇帝嘗曰耕藉古禮也一以供粢盛一以勸農務本朕卽位以來恒舉行之惟欲使民知勸盡力南畝非事虛文而

肅皇帝亦于二年及 年再行三推無非首重民依爲三農勸我

皇上之心卽

高皇帝

肅皇帝之心也惟是頻年旱蝗奴寇交訐加以三餉重疊民不聊生誠恐勸農之心雖勤而民尚有不能農不敢農不肯農者流亡滿眼父子相食死且不顧何從問牛尋種是不能農也三餉逼迫纔一舉犁催徵已至胥皂牌票狼虎噬人誰不望而却走是不敢農也富者以逐末爲利黠者以充衙役縱游惰爲利甚且以充兵爲利投賊爲利而最窮最苦莫如農

則何苦而農乎是不肯農也無農則無粟無粟則無民亦且無兵此非急核蠹餉量除加派則農夫終無樂生之日也

祖宗時惟正之外別無加徵猶且歲有蠲免矧今日乎臣等又見

皇上加意憐才命部院議起廢銅且特召用劉宗周鄭三俊及命輔臣清理冤獄中外歡呼無不加額頌

神聖者臣等愧乏知人之明無以仰佐高深惟

每翻閱部中舊案見原任侍郎陳子壯顧錫疇二臣竊以爲罪尚可原而才實有可用者子壯以議宗才獲罪錫疇以議戚臣獲罪雖一時意見絀悞而其平日品望臣等實愧不如又如原任祭酒倪元璐文安之學問經濟卓然不群兩雍至今以爲師表似亦當在賜環之列至原任少詹事黃道周愚戇之咎實皆自取而半生孤苦子幼家貧萬里投荒深可軫念在

如天之度既曲賜矜全乃人材實難亦豈忍終棄
倘或寬其永戍許以自新此則

堯舜憐才盛心非臣等所敢冒請也子壯等與臣
同官同署心知其枉不敢不言亦以

皇上求治之切愛惜人才之盛心同符

二祖而臣等顧忌不以入告非忠臣也敢因其奏而
并盡其愚伏祈

聖明俯鑒愚誠斷自宸衷下部議施行臣等

可任皇棟待命之至

崇禎十五年二月

日

回奏教坊樂舞疏

崇禎壬午二月

禮部題爲欽奉

上傳遵依回奏并陳修舉事宜仰聽

聖裁事本月二十四日該內閣傳臣錫衮臣璟
到閣恭述

皇上面諭耕藉事因科臣沈迅有疏商確一番如
幽風無逸之講俟另議外其教坊司所扮黃
童白叟鼓腹謳歌爲佯醉狀委爲俚俗臣等
前演習時已斥令改正祇因沿習已久不能

驟更又蒙

諭感天地之舞不宜扮天神褻瀆及禾詞宜頌不
忘規須令詞臣另行撰擬俱卽行令更正又
蒙

諭太常寺有神樂觀及給賜淨衣取其精潔今

郊

廟祭樂亦多疎澁如琴瑟並無指法舞容尤乖古

制宜訪求知樂之人細加叅究因及 鄭世
子所進樂書及原任禮部尚書黃汝良樂律
考大要以黃鍾爲主仰見

皇上留心上理於禮樂精微無不洞悉臣等謹察
得黃鍾候氣實爲律曆之本而自漢唐以來
或爲三寸九分或爲九寸其說不同前議曆
法時臣等以古葭灰候氣之法令欽天監與
新局並試皆不甚曉至樂舞生則琴瑟搏拊
尙未能辨矧黃鍾乎周時以舞教國子令大
胥正舞位小胥正舞列節八音而行八風蓋
五行之義皆寓於其中至漢大樂律則卑者
之子不得舞宗廟之酌凡除吏二千石至六

百石關內侯至大夫之子取其適者以爲舞人其教之豫而選之精如此以故能發揚功德孚格人天而今皆伶人下賤爲之去古實遠宜令太常倣周漢意選舞士不得仍以倡優充數仍將律書正聲所纂舞圖舞節重加翻習庶足復三代之舊又輔臣奏廟堂上不宜用教坊樂

聖意亦以爲然察會典凡祭祀用太常寺樂舞凡朝會宴享等禮用教坊司奉鑾而相

沿旣久疎舛成習所當嚴行申飭者也至古者房中之樂歌關雎諸詩燕射之樂歌鹿鳴諸詩笙奏繇庚諸詩卽漢人樂府亦特爲古雅當時音容必有可觀自唐始分太常與教坊爲二實鄭聲亂雅之始惜古樂殘缺未易頓議亦宜訪求知樂之人徐加訂定以副聖天子復古致治盛心伏乞勅下臣部通行詳確議奏施行

崇禎十五年二月二十六日上

崇禎七年甲戌二月二十七日甲申

兩侍

藉田

賜宴恭紀

崇禎壬午二月

崇禎七年甲戌二月二十七日甲申

上親祭

先農壇行耕藉禮臣璟以春坊右諭德兼翰林院

侍講陪祀而弟德瑗以兵科給事中導

駕三推同蒙

賜宴侍坐在

齋宮臺下璟兒熈幼亦從觀因作

藉田賦迨十五年壬午二月十九日巳未

上復親祭

先農行耕藉禮臣璟以禮部右侍郎兼翰林院
侍讀學士再陪祀扈

駕復蒙

賜宴侍坐在齋宮丹陛上蓋自

高皇帝洪武二年巳酉二月始耕藉田八年乙卯二

十年丁卯再行之然惟初舉時親祭先

農後皆遣官行禮躬耕三推而已洪熙

元年宣德元年正統元年成化二年弘治元

年正德元年嘉靖元年九年隆慶二年萬曆

七年天啓年皆二月親耕計二百七十

餘年行之凡十四次而

上至再舉實師

高皇帝與

肅祖也臣璟幸兩與盛典又叨在禮曹一切題覆

頗詳謹次如左

崇禎十四年辛巳正月

上傳親耕藉田部擬三月朔巳得旨因

聖躬偶恙改期於是十二月以期請而擬明年二

月十九日巳未卯時報可迨壬午春禮部行文內府監局及部寺衙門各歲厥事

二月初九日璟偕左堂王公錫袞入部演教坊樂舞 十四日復詣

先農壇巡省督壇工者工部主事門人葛惟恒也因演祭 先農及 耜田 賜宴儀註凡三起薄暮方歸 十五日畫耕耜位次圖 十六日太常寺奏祭 十七日太常寺進 祝版

上御文華殿親填 御名訖卽安香帛亭內迎至先農壇神庫暫安而順天府先以耒耜及種稂種進呈訖內官捧出仍授順天府官從 午門左門置絲輿鼓樂送至 耜田所 十八日

上常服告 奉先殿行四拜禮是日大雪近午臣璟冒雪出宣武門至 先農壇先期順天府尹張宸極府丞門人梁雲構設青箱及

御耒耜 龍亭三座

御鞭一匣又於

御耕處結絲置蓬殿三丈餘長可三十丈預篩細土待耕及演 御牛使馴熟而 內府亦發老人巾衣三十副巾黑幘也衣似青衿而有紅裡璟因偕二公議定公卿位次旋入齋宮觀陳設梁君留同張公小酌于耕心居卽過天壇同左宗伯王公齋宿蓋 先農壇惟祠祭署無別房陪祀諸公皆宿 天壇云 天壇與農壇東西對亦不遠是夜雪霽月明如晝 十九日四鼓同王公過農壇候

駕暫憇旗纛殿向火天明出觀

神庫神厨諸處

而充三公者定國公徐允禎恭順侯吳惟英清平伯吳遵周以甲戌位次三公與九卿東西相間今用文武東西非是與王公及德璟爭論璟謂文東武西 朝制也三公一班九卿一班藉田制也如東一公西一公東又一公西一卿如此相間是輕三公非重三公也葉文莊水東日記載成化二年以大學士李賢等六文臣耕左以三勳臣及文臣三人耕

右現冊可考而遵周爭之甚力曰果爾文東武西則西三公東九卿不尤妥乎璟曰不佞前議亦如此然西三寬東九窄不得不以三文臣益之想

祖

制商確妥當不必更議遵周又曰何不近用甲戌而用

祖

制璟曰甲戌禮臣不考

祖

制是其乖舛處安可復蹈乎國公又曰如此俟駕到須面奏璟曰不佞正須面奏將

祖制剖明一番而閣臣周公延儒等亦見詢因出水東日記證之然終不如古禮爲正古禮天子三推南向公卿五推九推西向旣不敢與天子同向而

上坐親耕臺時亦不相背今南北畝長地窄東西畝短地寬如以三公九卿東西相向而耕於禮甚安於終畝亦易然

駕且至遂不敢動矣卽易祭服立農壇以俟蓋禮臣例不候駕也卯時

上駕到 具服殿易 皮弁服絳紗祭服至壇曉

日晴明陰翳一掃交相慶焉 壇上結 黃

幄奉 先農下設

上拜位奏樂迎神四拜初獻跪讀祝亞獻終獻飲

福受胙兩拜送神四拜凡十拜

上拜揖甚恭禮畢即回至 具服殿 殿在觀耕臺後 易翼

善冠黃袍百官俱更吉服分東西立太常寺

卿奏請詣 耕藉位環偕王公同六科導

駕至位 位在觀耕臺下 南向立三公九卿亦炤圖立定不

復爭也戶部尚書傅淑訓北向跪進耒耜順

天府尹張宸極跪進鞭六科錦衣衛太常卿

導引

上左手秉耒右手執鞭三推步行犁土中盡壟而

止每一次可百五十武往迴六次計凡百武

上不為勞也耕時教坊司引紅旗兩旁唱禾詞四

十八首老人牽 御牛二人扶犁二人皆青

衿服隨

上往還牛亦馴擾耕畢戶部尚書跪受耒耜置犁

亭府尹跪受鞭置鞭亭太常卿奏復位

上南向立府尹捧青箱播種一往一還耆老以

御牛隨而覆之導駕官導

上御觀耕臺南向坐臣璟等臺下左右侍於是大

學士周延儒賀逢聖張四知謝陞陳演吏部

尚書李日宣六人耕東定國公徐允禎恭順

侯吳惟英清平伯吳遵周戶部尚書傅淑訓

兵部尚書陳新甲工部尚書劉遵憲六人耕

西順天府廳官各執箱播種太常卿奏耕畢

從耕官各就位

上起自臺而下乘

輦詣

齋宮陞座文官從

武官東門武官從

宮西門入樂作萬歲樂各官

一拜三叩頭分班侍立樂作

朝天子順天

府官率兩縣官耆老人等五拜三叩頭農夫

蓑衣挑農具三十人隨後俯伏禮畢卽隨府

縣官從西門出至耕所終畝府縣官仍從東

門入班鴻臚卿致詞慶賀贊行五拜三叩頭

禮

上傳旨賜酒飯復一拜三叩頭

上退御後殿少憩尚膳監於前殿安膳卓諸品

極華麗然皆用蔬菓也一連二卓

上以齋不用葷光祿寺疏請諸臣亦用蔬

上不許令諸臣炤例用葷而

御膳仍素惟不禁酒

御席在前殿內左右皆黃幄也殿外用黃

結爲幔天文三品以上武二品以上皆

丹陛上排宴文東武西每邊各三行每行八張

東則大學士周延儒賀逢聖張四知謝陞陳

演及吏部尚書李日宣戶部尚書傅淑訓兵

部尚書陳新甲爲一行工部尚書劉遵憲左

都御史王道直戶侍郎白貽清禮侍郎王錫

袞臣璟掌詹侍郎李紹賢兵侍郎張鏡心戎

政侍郎吳甦爲一行刑侍郎惠世揚工侍郎

宋玫副都御史宋之普詹事掌事掌祭酒南

居仁詹事掌翰林院黃景昉詹事丘瑜通政

使徐石麟大理卿張三謨爲一行而小九卿

三品如太常光祿以下皆在臺下以臺窄也
西則定國公徐允楨等及五府 皇親三行
亦如之有頃

上出陞座教坊作萬歲樂傳旨官人每坐各官
行一拜三叩頭禮卽就坐樂作朝天子尚膳
監迎膳樂作水龍吟一奏本太初之曲管絃
樂作朝天子尚膳監二人捧金爵金瓶至

御前跪進酒教坊官跪奏進酒尚膳監三人以黃
罩罩湯用黃傘遮至 御幄前教坊跪奏進

湯樂作太清歌徹碗隨復進碗樂止奏四時
和之舞皆童子也教坊復奏百戲變碗用五
人中一人擎兩碗而前初皆空碗也再變米
盛碗中再變則兩碗皆空惟兩枝牡丹花挺
出二奏仰大明之曲管絃樂作殿前歡尚膳
復舉爵至

御前教坊跪奏進酒樂作水龍吟跪奏進湯樂作
太清歌徹碗樂止奏呈瑞應之舞亦皆童子
也手執嘉瓜連蒂瑞麥兩岐及天下太平小

牌諸種舞畢教坊奏禾探子承應禾探子者
以一老人上而令兩少年探田野間持嘉瓜
瑞麥報喜也三奏民初生之曲管絃樂作沽
美酒尚膳復舉爵至

御前教坊跪奏進酒樂作水龍吟奏進湯又跪奏
進膳樂作太清歌尚膳徹案教坊跪奏黃童
白叟鼓腹謳歌承應童前叟後叟跪飲酒爲
佯醉鼓腹而退如是者三然亦俚矣教坊跪
奏感天地之舞用九文臣九武臣皆朝冠又

又用五海神五方夜叉三香斗老人三官皆
假面鼓樂並作教坊齊跪奏日法祖欽天保
萬民首先農務事耕耘一人有慶安天下萬
國來朝賀 聖君奏畢各官卽赴席出至
齋宮外候送 駕興陞輦奏樂神歡之曲樂作

天下樂鼓吹振作

上還仍詣 奉先殿參謁如前儀臣璟等復至天
壇道院小飯始歸云

璟按籍字周禮作籍禮記作籍詩載芟小序

亦作籍說文作藉大明會典亦作藉周禮
天官甸師掌帥其屬耕耨王籍以時入之以
共齎盛註籍之言借也月令孟春天子以元
日祈穀于上帝乃擇元辰天子親載耒耜帥
三公九卿諸侯大夫躬耕帝籍天子三推三
公五推卿諸侯九推註元辰郊後吉辰也帝
籍者爲天神借民力所治之田也籍田共
上帝染盛敬云爲天神借民力也箋云籍之言
借也借民力治之正義云天子千畝諸侯百

百畝王一耕之而使庶人芸芋終之是借民
也王者役人自是嘗事而謂之借者言此田
耕耨皆當王親爲之但以聽政治民有所不
暇故借人之力以爲己功漢書孝文籍田應
邵曰籍田千畝典籍之田臣瓚曰親耕親桑
率天下先本不得以假借爲稱然凡言典籍
者謂作事設法書而記之或復追述前言號
爲典法此籍田在於公地歲歲耕墾何故以
籍爲名若以事載典籍卽名籍田則天下之

事無非籍矣何獨於此偏得籍名瓚親耕之
文卽云不得假借豈籍田千畝天子親耕之
乎周禮疏云籍田之穀衆神皆用獨言帝籍
者舉尊言之自天子三推以下示有恭敬鬼
神之法又示帥先天下故暫時耕終之者庶
人也說文曰籍帝籍千畝也古者使民如借
故謂之藉從來昔聲通作藉韋昭曰借民力
治之以奉宗廟且以勸率天下使務農也盧
植曰藉耕也左傳邠人藉稻故知藉爲耕薛
瓚曰藉謂蹈藉也師古曰瓚說是今

會典作藉蓋本之說又

考藉字義

詩載芟春籍田而祈社稷也正義曰周公成
王太平之時王者親耕籍田以勸農業又祈
求社稷使獲年豐歲稔故序本其多穫所繇
經則主說年豐不及籍社所以經序有異也
月令孟春天子躬耕帝籍仲春擇元日命民
人社大司馬仲春蒐田獻禽以祭社然則天
子祈社亦以仲春與耕籍異月而連言之者

俱在春時故以春總之祭法云王爲羣姓立社曰泰社王自爲立社曰王社亦曰帝社此二社皆應以春社之但此爲百姓祈祭文當主於泰社其稷與社共祭亦當謂泰社社焉鄭玄謂王社在藉田之中璟按大明集禮云周官籥章凡國祈年于田祖吹豳雅擊土鼓以樂田畯鄭氏曰田祖始耕田者爲神農也漢立官社文帝令官祠先農晉武詔復二社北齊及隋又改曰先農唐神龍中禮官祝欽明議以禮典無先農之文先農與社本是一神妄爲改作請改先農壇爲帝社壇以應禮經王社之義至開元定禮又采齊隋之議復曰先農宋陳祥道曰先儒謂王社建於籍田然國語王籍則司空除壇農正陳籍禮而歷代所祭先農而已不聞祭社也詩曰春籍田而祈社非謂社稷建於籍田也今按祝欽明云先農卽社陳祥道云社自社先農自先農藉田所祭乃先農非社也其說不同其爲

重農報本之義一也 考先農

享先農之禮與躬耕同日禮無明文惟周語云
農正陳藉禮而韋昭注謂陳藉禮者祭其神
爲農祈也至漢以藉田之日祀先農而其禮
始著漢舊儀春耕藉田官祠先農百官皆從
置藉田令丞東漢藉田儀正月始耕常以乙
日祠先農於田所先農已享耕于乙地自晉
魏至唐宋其禮不廢政和間罷享先農爲中
祀命有司行事止行親耕之禮南渡後復親

祠元不親行僅命有司攝事而已

高皇帝親祠躬耕始復古禮後改中祀止遣應天府

官致祭不設配祭畢親耕惟 登極初行耕

藉禮則親祭云 考祭與耕同日

月令孟春擇元辰說者曰元辰祈穀郊後吉
辰也十二支謂之辰郊天是陽故用辛日耕
藉是陰故用亥辰知用亥者正月亥爲天倉
以其耕事故用天倉也周語立春之日農祥
晨正至二月初吉王裸鬯而行藉禮漢文用

亥日耕藉祠先農明帝耕以二月章帝耕以正月乙日晉武帝以正月丁亥宋文帝以正月上辛後吉亥齊武帝時王儉謂親耕用立春後亥日經無明文何佟之云少牢饋食禮禘太廟用丁亥鄭玄以不必丁亥今若不得丁則用巳亥辛亥苟有亥焉可也梁天監中議書云以殷仲春藉田理在建卯於是改用二月唐用孟春吉亥宋用正月上辛後亥日政和中議禮局言孟春親耕下太史局擇日

不必專用吉亥元用孟春吉亥

國朝以仲春擇吉日行事考不用亥

魏文公云藉田之制司空除于藉漢文帝立壇於田所其制如社之壇宋於宮之辰地八里外整制千畝中開阡陌立先農壇於中阡西陌南梁移藉田于建康北岸築兆域如南北郊齊作祠壇於陌南阡西廣輪三十尺四陛三壝四門又爲大營於外唐高宗改藉田壇爲先農壇神龍初復改先農壇爲帝社壇

於壇西立帝稷壇禮同太社惟不備方色有
異馬壇高五尺方五丈四出陛其色青宋先
農壇九尺四十步飾以青二壇元壇制同社
壇縱廣十步高五尺四出陛其色青每方開
靈星門

國朝壇在籍田之比高五尺闊五丈四出陛考

壇制 德璟附考

部覆舉人葉嘉徵等疏

壬午二月

看得舉人葉嘉徵等原因科場文字或襲用

佛語或雜引諸書或字句微疵或詁解似鑿

俱經奉 旨禮革發回肄業是

聖明原未絕其進取之途使復從事棘闈未必不

仍叨入彀乃各生不忘故物仰覲寬恩如葉

嘉徵等者守困十年叩

閤三上夫亦以旣登賢書回首子衿無色久經

創艾庶幾 浩蕩可邀臣等凜奉 明綸恪

遵其功令何敢遽爲代請而獨計此十餘人
者其引用欠馴撰造求異皆因向來之習氣
淘汰未淨一經懲抑海內無不靡然向風矣
學之消長何嘗才具之優劣亦異若槩從擯
聖則棄未識其並取之益對身幹事棘園木必不
聖世諒無錮人苟絕望收羅壯心寧甘坐耗不正
用之於鉛槧科名且有邪用之於踰閑躍冶
者臣等竊謂雍規新飭如副榜准貢原係額
內未收且令學成試用而况已列正榜初無

情弊者乎合無准將葉嘉徵等併凌雲翔等
俱行發監肄業使其奔走上疏之歲月仍用
之伏案窮經責成雍臣課以經義六曹試以
騎射命中勒限卒業及格爲期果能磨勵圖
新盡更舊習然後奏請覆試取自聖裁

倘才本疎庸或仍効軋苗永從禡斥跽伏何
辭庶數年之沉錮頓舒而朝廷之勸懲倍
肅乎其葉嘉徵等原疏臣等未敢逐一具覆
統候聖裁定奪遵奉施行緣係云事理

未敢擅便謹題請旨

崇禎十五年二月二十九日奉

聖旨

[Faded vertical text, likely bleed-through from the reverse side of the page]

恭擬 冊封

永王文

壬午三月

維崇禎十五年歲次壬午三月庚午朔越二十

一日庚寅

皇帝制曰朕恭繩

祖武仰席

天休長發其祥幸本支之昌後封建厥福宜茅土之

疏榮誼既薦于展親典並隆于啓宇咨爾

皇四子睿名賦資岐嶷育德溫文璇極分暉式謹

庭趨之教夢樓儷秀具凜藩序之恭朕稽古每

衆建維城而剖封必冊拜于廟彝章具在寵命
宜均是用封爾爲永王錫爾介圭以作爾寶於
戲周書之命康叔敬典在乎乂民漢史之頌東
平問樂莫如爲善惟孝以永言垂則惟福以永
配自求爾尚克戒怠荒無忘忠孝保茲帶礪以
鞏皇家體朕訓言用膺多祜欽哉

糾真人疏

崇禎壬午三月二十四日

禮部奏爲欲掃外寇宜清內治謹據職掌糾
正仰懇 聖裁事臣惟古帝王天保治內采
薇治外治內在省刑薄賦以固民心治外在
選將練兵以鞏國勢並無所謂異教也比者
奴寇交訐民不聊生幸

皇上神武英斷清理冤獄蠲免舊逋近復再行
親耕勸農 頒詔民始有再生之望而於邊腹
二寇 宵旰倦切中外翹首竚見廓清乃有

真人張應京乞渙發三官徽號一疏則臣等不能無駭者據道藏並無三官之說近世始有之其經以天官地官水官爲陳子椿之子有無不可知然既經晉號而應京復請齋論中外一體遵奉共許慶賀則不惟例所不載其意欲以何爲得無借此簧鼓愚民使之奔走供奉以爲利乎抑幾倖差遣招搖誑耀以爲名乎近年異教盛行游惰奸民棄農不務逃入二氏之徒脫漏戶口消減丁糧不啻千

萬別有白蓮無爲等教夜聚曉散所在充塞若復許之慶賀其惑亂有不忍言者漢末之黃巾以妖術授徒及應京之祖道陵以五斗米設教是也道陵舊事姑不深言自晉及唐其子孫並無封號宋崇寧中始賜號張繼先爲虛靖先生亦並無品級至元始加真人稱嗣天師

高皇帝以天豈有師斥之且以清理釋道二教責之臣部大哉

聖謨一洗胡元之陋矣應京酒肉俗流前春祈雪
不効而歸此來沿途祈雨亦不効反以得雨
誑告蓋與誦華嚴經呪蝗者金笑破天下之
口而尚久戀京邸耗蠹不貲長愚民左道之
心短邊兵血戰之氣無益有害斷可知矣似
宜急逐歸山以清輦轂至其妄瀆
宸聽容臣等炤左道惑衆例依律究處伏乞
聖斷施行

崇禎十五年三月二十四日上留中久之 發

下改票奉

聖旨朕勤思治政敬事天地原非別有崇尚徽號
傳諭自屬朕意非繇張應京所請至大真人品
級名號乃先朝舊制何得云無王錫衮等只
當據職効規不必故行苛議比擬不倫致失大
臣告君之體該部知道

按真人張應京入京庚辰正月初奉

命祈雪

上遣大璫與僭備極虔禮以不効遣歸辛巳正月

復 召之一途招搖七月始到

上令賜宴禮部璟與署部王公議不可因引西僧
賜宴在興隆寺例令之 宴于靈濟宮而遣
大璫陪之比

上幸學應京又疏乞與坐王公復與予議斥不許
及再駁此疏且指及五斗米事

聖意甚不平然亦不罪也謹書之以見
聖德

開送部院起廢單 壬午五月

為遵 旨開送事恭誦起廢

明旨令在廷諸臣實見某才堪用某寃宜雪的開
送彙奏存案旋又奉有一并追論 嚴綸敢
不矢慎矢公自附于舉知之義如原任禮部
侍郎陳子壯顧錫疇祭酒倪元璐已經復官
詞臣劉同升趙士春現候回奏原任科臣何
楷姚思孝李清莊鰲獻張作楫袁愷李希沆
熊開元陰潤劉昌臺臣詹爾選王聚奎林蘭

友現議 賜環不敢槩列外其在敝鄉則王
志道傅元初林胤昌王命璿王忠孝吳澧其
著也志道爲副院時抗疏廷諍卓有風節元
初入垣未數月正氣懃論屢觸奸鋒雖非以
言斥而斥實因言胤昌清真敏練典選有聲
陳瑄一案原無相涉至命璿才品詳練王忠
孝氣節崢嶸與吳澧舊日所坐皆非其罪而
黃道周馬思理涂仲吉一案牽累甚多寃尤
宜雪卽未敢遽請起用似且酌量免戍以彰

聖主解網之仁亦 熙朝一美事也其海內名賢
難以枚舉據所知范景文錢謙益文安之楊
廷麟鍾灼李覺斯施邦曜成勇葉廷秀解學
龍袁繼咸金鉉胡周鼎皆所云才品堪用寃
抑宜伸得于目擊最真者欲應惜才宥過之
旨斯其人乎此外尚有部曹司道郡縣以絀誤
罪廢甚多當更俟各省直撫按開送不敢臚
舉也

崇禎十五年五月初十日禮部右侍郎兼侍讀

學士蔣德璟單

親祀北郊恭紀

壬午五月

崇禎十五年五月二十六日甲午夏至卯時

大祭地于方澤恭請

聖駕親詣致祭先期十日欽遣大臣四員輪

視牲于南郊之犧牲所臣璟以禮部右侍

郎與焉又奉命充上香導引官五月十九

日具祭上御皇極殿齋戒百官例當吉服

以祈雨用青錦繡太常寺奏祭當日爲始散

齋四日二十三日爲始致齋三日

二十三日質明

上嘗服乘輿詣太廟門西降輿至廟門幄次

內具祭服詣太廟告請

太祖配神行禮畢出至幄次內易嘗服還宮是日

璟入部齋宿

二十四日臣璟奉命視牲京營用藍旗五對

導至南郊犧牲所太常寺卿張公忻迎入

卽恭到兔房鹿房羊房猪房黑牛犢房每到

一房則所官跪曰大祀兔大祀鹿云云遣

官止立視而已禮畢入問牛亭所官備酒肴

予曰齋戒不宜用酒卻之一茶而出過天壇

則祠司復備飯亦却之卽以是日具疏復

命

二十五早上嘗服詣奉先殿以親詣

北郊預告于

太祖列祖神御前還宮是午臣璟先期出安定

門入壇偕左堂王公錫衮齋宿入壇觀黃琮

古玉司寇徐公石麟協院房公可壯太宰李

公日宣司徒傅公淑訓司寇惠公世揚立談
二十六早三鼓偕左宗伯王公錫袞宮詹黃公
景昉具祭服入皇祇室請神及

高皇帝配位 山川從位王公上香璟與黃公導引

至壇奉安訖四鼓後月如鉤出自東南惠
風和暢鐘鳴 上乘輿從 午門 端門

承天門 長安左門 安定門詣北郊壇
外西門內北門之左 降輿導 駕官導

上至行幄具祭服璟三人以上香導引復命畢

上日知道了時曙色漸開 上緡閱章疏久之

報卯時 上步出大次 天表辟盜神采

射人導 駕官導 上從內壇櫺星右門

步入行大祭禮樂九奏 上升壇者五至

辰時朝旭蒸人 上對越陞降愈恭禮畢

璟等三人復導 皇地祇及

高皇帝配位下壇即導 皇地祇及諸 從位奉安

皇祇室而

高皇帝神版則司禮監奉入太廟

上至具服大次易嘗服免朝頃之 駕還陪祀官

皇鞠躬候 駕過 上仍詣 奉先殿參謁

如前儀

環按三人

高皇帝初分祀天地建方丘于鍾山之陰以夏至祀

焉十年丁巳始合祀于 南郊大祀殿嘉靖

九年庚寅始復分祀建方澤於安定門外坐

南向北以

高皇帝配享坐右向左以嶽鎮海瀆 陵寢諸山從

祀東二壇則五嶽及泗州 基運山鳳陽府

翔聖山鍾山 神烈山爲一壇四海爲一壇

西二壇則五鎮及昌平州 天壽山承天府

純德山爲一壇五鎮四瀆爲一壇五鎮者東

鎮沂山在青州臨朐北鎮醫巫閭在遼東廣

寧中鎮霍山在潛山霍山二縣界西鎮吳山

在陝西隴州南鎮會稽卽紹興會稽也四瀆

江淮河濟也又建 皇祇室於方澤南以藏

皇祇及從位主

正位黑犢一黃琮黃帛黃玉爵配位同惟無玉
四從位黑犢四北羊四猪四計用犢六隻北
羊及猪各四隻餘二犢一猪一羊一鹿爲羹
胙豚胎糝食脯醢之用北羊者羊角彎下價
高山羊則角直上價廉大祀不用山羊
黃琮方可五寸厚可一寸皆周尺也色青上凸
下平其凸處微帶黃色耳黃玉爵亦青爵也
想黃玉難得

南郊上帝及

高皇帝配位神版諸從位神牌皆藏于 泰神殿故

祭畢導引官同導入 泰神殿而已 北郊

則 皇地祇及從位藏于 皇祇室而

高皇帝配位在 太廟臨祭前一日請出入壇故導

引官既導 皇祇入室而

高皇帝神版則奉入 太廟司禮監官後隨

請行謚典疏

崇禎壬午年五月

禮部爲謚典久未舉行風教急宜振飭謹遵
發單勒限之 明旨申請早完 大典以勵

人心事案查崇禎五年九月內本部尚書黃
汝良覆禮科都給事中張國維議謚疏奉

聖旨謚法有關風勵依議詳諮確覈務協公評不
得徇私憑臆致乖大典其發單仍勒限報部毋
再稽遲欽此察得原疏請謚舊例五年一舉當
時已缺至十二年而今又遲十年矣自古帝

王治天下惟有賞功罰罪而謚則賞罰之尤
大者近日名教不靈廉耻道喪將吏每多叛
竄紳衿至于迎賊幾不知忠孝節義爲何物
皇上召對面諭謂今日滅奴蕩寇只在大賞大罰
真勵世磨鈍急務也除鄒元標忠介馮從吾
恭定顧憲成端文王德完莊毅趙南星忠毅
高攀龍忠憲楊璉忠烈諸臣理學事功忠諫
節義皆一代之最已經 賜謚外據科臣疏
首言革除諸臣次言軍功而於

會典所稱節槩勲猷二語尤致慎焉臣等細加
參究大要節槩以死忠爲上如革除申卓敬
鐵鉉景清方孝儒諸人不待言矣近之忤璫
如左光斗周宗建等抗奴如孫承宗洪承疇
盧象昇等殉寇如傅宗龍等指尚不勝屈也
勲猷以軍功爲上如萬曆中倭建酋王杲及
平倭平播平倭三大案文武功多可書近日
之何可綱曹變蛟以功兼死尤爲慘烈指亦
不可勝屈也而有宜申飭者三焉先臣丘濬

謂謚兼用美惡王世貞亦曰

高皇帝於子秦王謚愍魯王謚荒况臣下乎竊謂文臣二品以上皆宜謚助戚凡在公列亦宜謚侯伯必蒞軍府有功方許謚謚皆兼美惡二品以下卽庶僚有節烈助猷卓然不朽者亦可謚不然官雖貴不謚則陳乞可清也唐宋謚議掌于太常博士國初令禮部行翰林院擬奏今宜先以其議責之太常臣部與吏禮兵各科核定而閣臣爲詳加折衷始取

上裁則事出于公衆論可服也五年一舉雖有近例然人品邪正萬目難欺蓋棺論定卽可予謚不宜少待致有沉埋則風勵可速也至發單博訪聽各衙門各行開送固爲詳慎而彼此稽延終致耽閣既有部科及太常之議似亦無敢濫徇者苟有不當聽科道各官糾舉誰敢私之勵世磨鈍實在於此舉伏乞

聖明裁奪施行

崇禎十四年五月 上

聖德昭著

聖德昭著

聖德昭著

聖德昭著

聖德昭著

聖德昭著

聖德昭著

聖德昭著

德政殿召對論

太廟 祧廟事 崇禎壬午六月十八日

十五年五月奉

旨枚卜十六日甲申延推十三人環居首次即同

邑詹事黃公景昉六月初四日奉

旨再推禮部尚書林欲楫居首亦同邑也共十一

人初十日

召對

中極殿而前後二推二十四人僅十五人在京林

公自南京察 陵回至天津請告餘皆在籍

於是十五人入 午門外東直房旋至

東閣小坐將午

上召入 弘政門內 賜饌三人爲一席飯畢

駕將出忽下詢九人未到者姓名而傳

聖躬偶爾嘔吐令且回各衙門俟再行 召對十

七日林公到 京未見朝十八日

上傳禮部堂上官禮科太常寺卿來 中左門及

午 賜宮餅各十五枚頃之

上御中左門之左小廂房有扁曰

德政殿殿二層深可三丈餘濶可四丈中隔一門

限耳環借林公及左侍郎王公錫袞太常寺

卿張公忻禮科沈君胤培戴君明說姜君埰

至廂房外隨輔臣周公延儒陳公演揭

簾入叩頭畢林公以奉 差察勘 南京

陵山復 命致詞畢

上諭卿等進來輔臣及林公入門限內環等門限

外東旁立

上返顧屏諸璫退後卽曰禮部等官過來
上曰

太廟之制一帝一后計九廟此外

祧廟亦有九亦只一帝一后因屈指數自

德 懿 熙 仁四祖外

仁 宣 英 憲 孝共九祧廟已滿各一帝一后

其 繼后及 生母后七位旣不得入

太廟亦並無 祧廟之主卽宮中 奉先殿亦原止

一帝一后嘉靖後有以 繼后 生母后入

者而以前七位尚無祭也

上意似在生母

孝純皇太后而又推及 七位后欲悉入 奉先殿

亦未明言也林公奏

皇上孝思深篤典禮隆重容臣等詳查具奏璫奏

奉先之外別有 奉慈殿係奉 繼后及 生母

后處今雖廢似可舉行

上卽曰 奉慈殿外尚有 弘孝殿 神霄殿

本恩殿璫奏 宮內規制臣未能悉知只

奉慈殿係

宗建的嘉靖中廢之而建神霄今未知奉慈

尚有基址否

上曰奉慈殿久已撤了因將司禮監所列

帝后廟號及會典典彙諸書太廟奉先諸

圖傳示輔臣傳璟等輪看璟等看畢與科臣

沈君商確宜復奉慈意卽同林公王公再

過跪璟奏奉慈殿如未可復或在卽

神霄奉祀未知可否

上曰太廟一帝一后朕不敢輕動還是奉先

尚可恢拓前後加一層亦卽祧廟亦當裕

祭璟奏大裕之禮歲暮已行于

太廟似已妥當且奉先原只一帝一后與

太廟同若并祧廟之主俱入未知妥否且其

地亦窄

上曰奉先殿現有繼后及生母后七位璟

奏此是萬曆初添入

上曰是萬曆三年胤培沈君奏大意與璟同而戴

姜二君亦各有奏但云太廟有四孟之祭
奉先只朔望有祭而四孟未舉似可增者則
朔日有祭非卽四孟之朔日乎又有云
太廟之祭

上行十二拜禮入奉先再行五拜三叩頭禮
聖躬雖勞亦尚行得者

上默然

上因言洪承疇督師抗節及松杏將士死守爲奴
慘殺宜有特祭且還當親祭林公奏洪承

疇家眷在天津諸將士吳三桂等差人護送
甚言洪承疇死節之詳王公錫袞奏前

皇上催洪承疇卹典因關外諸逃將塘報游移並
無確據其意恐以抗節之忠形其偷生之醜
以惑兵部臣兩次行咨兵部俱不回覆環奏
皇上表章忠義洪承疇及錦松諸將士雖死猶生
中外無不感奮然奴酋專以挑濠困城如今
寧遠雖有巡撫固守尚恐奴從黑庄窠高臺
堡諸處截入中後中前前屯諸處困圍寧遠

又是因松錦故智

上曰寧遠諸處已有巡撫及督師駐劄自可炤管
錫袞奏登萊水兵亦可用之搗奴環奏
皇上前遣登將王武緯率水兵三千赴援寧遠如
今想已到覺華島

上顧輔臣曰是王武緯麼輔臣對是王武緯
上因令部寺諸臣暫退環等俱出簾外
上令內當傳部寺諸臣回各衙門而

諭輔臣云朕以枚卜大事擬于二十二日吉日舉

行如今亦不消等了卽以明日 召對會推

諸臣明日日子亦大吉遂出各以燈行六月

十九日臣德璟謹記

是日議

太廟 祧廟事因

太廟九位 祧廟九位俱滿

上意欲於 宮中再建 祧廟其方位畫圖及木

石諸料業預備然自古無二祧廟再建非禮

也故事 太廟 祧廟

諸帝皆止一

正后卽

奉先殿亦依 太廟定位凡 繼后 生母后皆
不得入弘治初別建奉慈殿以奉

孝穆紀太后於是

孝肅周太后

孝惠邵太后皆祀 奉慈嘉靖十五年遷主祔

陵而罷 奉慈之祭隆慶初奉安

孝烈方皇后于 景雲殿更名曰 弘孝又奉

孝恪杜太后于 神霄殿萬曆三年奉

孝烈

孝恪俱祔享 奉先殿而 弘孝 神霄之祭俱罷

蓋禮之一變也以故

陳

李二太后皆祔 奉先卽

聖諭所云 繼后及 生母后七位也然其忌辰

皆不得設祭服青云

上因念

生毋孝純劉太后以不得設祭服青爲痛而追向前
生繼七后欲同建一廟實

大孝錫類之極思然於禮未合且卽另建廟亦與
奉慈弘孝 神霄等耳臣璟以爲宜復

奉慈雖於

聖意小忤然亦

俯亮其守禮不罪也其後太宗伯林公欲構左宗
伯王公錫袞禮科沈君胤培執奏竟得中止

敬日堂外集目錄

卷之四

恭紀 召對忝附校卜事 六月十九日

辭入閣疏 廿二日

紀召對面球會推下獄諸臣 廿三日

再辭入閣疏 廿五日

赴閣謝 恩疏 廿九日

謝 賜鋪陳揭帖 七月初二日

覆會推下獄七八揭 初四日

覆侯恂虎大威等揭 初九日

恭紀賜坐手記兵部司官奏對 十一日

看覆文武卹典揭 十二日

擬田貴妃謚冊文 廿四日

恭謝 御筆敕諭揭 廿六日

恭謝 手敕褒嘉揭 廿七日

欽奉 密封言夷丁事 八月初四日酉時

奉 批建祧廟圖小紀 初五日

覆傳部屯海諸事揭 初七日

賜經筵敕諭 初七日

覆發帑屯種擬票揭 十四日

中極殿召對枚卜諸臣

崇禎壬午六月十九日

十五年六月十八夜三鼓吏部傳帖

上召會推諸臣蔣德璟等來

中左門十九日早

飯後至禮部朝房小憩而左堂王公亦至因

同入至東閣坐同召者吏尚書李公日宣

禮尚書林公欲楫左都御史王公道直禮侍

郎王公錫衮及環掌詹事府禮侍郎李公紹

賢協理戎政兵侍郎吳公牲刑侍郎惠公世

揚徐公石麒工侍郎宋公政詹事府掌翰林

院黃公景昉詹事丘公瑜通政使沈公惟炳
大理卿張公三謨諭德楊公觀光共十五人
而徐公以病瀉辭不至

上召舊輔賀公逢聖兵尚書陳新甲入將午賜
飯每三人爲一卓共五卓每卓撰盒一架肴
十餘噐皆出內膳非光祿辦也飯畢

上先召輔臣周公延儒陳公演及賀公入德政
殿賜坐賀忽放聲大哭聞之大駭哭久不止
久之

上召新甲入詢邊事又召吏部李日宣都察院王
道直入頃之新甲先出又命李王亦皆出曰
卿二人不須召對也又

諭吏部順天巡撫王文清爲巡按梁士濟言其病
狀當更換又

諭都察院將新授御史蘇京王漢王燮差分監軍
援豫旣出

上卽移駕過中左門入

中極殿三輔臣亦入殿留坐宴而賀復放聲大哭

拜跪至數十不止

上命之出及出殿檻外行五拜三叩頭禮復絮哭不止見者怪之既出

上方召會推諸臣入行一拜三叩頭禮再行一拜

三叩頭禮謝 賜饌

上令入殿內卽依班魚貫入立

御座東

上於 御幄外另設 龍榻 榻左右盆花四株

其盆各以黃帕護之八窓洞開薰風襲人

上曰逆奴未滅流寇猖獗天變民窮卿等有何嘉猷奏來卽令起來各依會推序次過奏而璟推叨第一然班在尚書下遜讓久之不得已先過跪奏臣璟學問迂踈百凡未經諳練不敢造次陳奏

上曰上來卽膝行數步又曰再上來再數步距御案可丈許璟再奏同推諸臣皆是一時人望臣官資在後不敢先對

上曰奏來臣奏奴寇二者實是最喫緊事禦奴雖

在關外然關內三協尤當嚴防卽如己巳從中協大安口入丙子從

陵後得勝口入戊寅從西協牆子嶺入皆是中西二路從來薊鎮以匹馬不入爲功如今只在堅守相機拒戰畢竟要在兵精近

皇上雖十分嚴諭邊臣終是虛冒就如中協一處每年除屯鹽二糧及民運外新舊練三餉百餘萬而總兵李居正疏只云兵僅三萬堪戰者九千而已中協如此東協西協可知三

協如此各邊可知不知此餉皆歸何處且祖制三協只一督一撫一總兵一副總兵卽

皇上初年亦只是如此今增二總督三巡撫六總兵又有副總兵加都督銜者十餘人副總兵四十餘人此皆虛冒加派之餉何嘗得其死力就是關外之戰總兵太多不相管攝督師亦提撥不動所以皆不用命前見廢將張鵬翼疏亦言總兵太多十箇總兵十樣心腸邊事安得不悞

上用筆歷歷記之又問流寇近困中州作何掾援
璟奏中州果是危急日夜盼望援兵前新設
河北副總兵卜從善令其統精兵五千爲渡
河接應並無一兵渡河顯是虛冒卽八鎮督
師亦是無益八鎮地方五六十里牌票累月
尚行不到何處呼應得來試看丁啓睿只跟
着左良玉脚下團走成何督師此官似是可
裁專責撫鎮爲得力

上又手記之璟再奏近見永城舊總兵劉超疏言
收用土賊爲以賊攻賊之計非不鑿鑿可聽
第未知劉超能辦此否

上沉吟劉超二字璟再奏宋宗澤岳飛在河南亦
是收拾土賊此法實是可行只在得人
上曰文武各官如何得盡其用璟奏此只在

皇上心天下豪傑甚多原不須借才異代近日
考選起廢漸次登用朝野無不鼓舞還望

皇上寬以收之卽武將亦儘有好的只在功罪嚴
明自然用命亦須久任方好近日升轉太驟

如薊督何等關係半年換了五個就是豪傑
亦難展布

上曰不好的自當更換璟奏不好自當更換只須
慎之于始

上首肯又問天變如何消弭璟奏天意只在百姓
身上掇得百姓一分卽消得天變一分近只
爲加派所苦萬曆年間各邊舊餉只三百餘
萬今加新餉九百餘萬又加練餉七百三十
萬計二千餘萬加五六倍自古以來未有括
天下二千餘萬以輸京入戶部而又括戶部
二千餘萬以輸邊者各邊又日告饑脫巾鼓
譟此二千餘萬銷歸何處

上又歷歷手記因曰兵餉查核何處下手璟奏在
戶兵二部通盤打筭

皇上有加派之名而無加派之實民生只有此物
力那舊補新那新補練二千萬亦不能完只
是費州縣許多鞭朴就是 兩京太僕寺馬
價 舊制只七十餘萬今驟加八十八萬其

實每年尚完不得三十萬并舊額尚欠許多
何況新額

皇上敬天勤民心無不盡卽加派亦非得已還當
專重本色只以務農爲主

皇上今年再行親耕藉田爲天下先而百姓窮苦
無牛無種旣不能農且州縣迫于督責勾攝
紛紜亦不敢農一丟了農器隨着流賊劫掠
滿載揚揚得意又不屑農旣無農人則本色
何處得來所以民生日困盜賊日多皆繇於
此如今只在先清冗將旣無冗將則冗兵可
減冗餉可省然後可漸蠲加派可招撫亡命
歸農此是第一喫緊

皇上蠲免十二年以前舊租臣謂今十五年加派
亦當盡免山東河南江北三處尤當加意庶
幾良民不化爲寇流寇土寇亦肯復化爲民
安心就撫歸農復業方可望得太平

上首肯之璟再奏急則治標緩則治本
上問如何是治本璟奏收拾民心便是根本

祖宗只以愛民重農爲第一義願
皇上脩復

祖制以圖 中興

上沉吟脩復 祖制四字璟奏

高皇帝

文皇帝成憲具在

列聖遵守以致太平願

皇上留意臣書生不諳大計又近密封多不抄傳
未知其詳恭承清問不敢不對

上命起來退歸東班

上曰旣奏的過西班立璟卽鞠躬過西次黃公景
昉奏守關外必先守關內保河南必先固河
北防江北尤當固江南其論甚開暢次王公
錫袞楊公觀光李公紹賢奏亦隼吳公牲奏
堯舜知人官人議亦甚正次惠公世揚林公
欲楫丘公瑜奏皆多根本之言并房公可壯
宋公玟沈公惟炳張公三謨語多不能詳記
奏畢 殿內原備六卓有內監備饌將 賜

諸臣坐宴而房宋張三公不甚稱旨

上遽令各回衙門遂俱出時日已薄暮矣是夜

欽點臣璟與黃公景昉吳公牲三人二十一日奉
旨俱升禮部尚書兼東閣太學士及閣辦事而以
濫推多人責吏部回語遂有二十三冊之事

因辭入閣疏

禮部右侍郎兼翰林院侍讀學士臣蔣德璟
謹

命奏為驚聞

寵命揣分難勝懇乞

天恩俯容辭免以安愚分事本月二十一日准吏

部咨為欽奉

聖旨事奉

聖旨蔣德璟黃景昉吳牲俱陞禮部尚書兼東閣

聖旨大學士入內閣同首輔延儒等辦事會推大
聖旨典當矢公矢慎勿濫勿遺况係輔弼重臣宜
何如敬舉今乃任意稱詡徇情濫推內如房
天恩可壯宋攻張三謨等是否皆堪斯任着吏部
察回將話來欽此是遵臣聞

命自天不勝感戴不勝兢悚卽於私寓恭設香案

望 闕叩頭謝

恩訖伏念臣世受

國恩幼承家訓矢念惟知忠孝閉門空對圖書

毫無適用之能每愧孤踪之拙恭遇我

皇上御極以來拔置清班洵更華貫如記注編纂

視草衡文與脩 實錄副裁 會典上侍

皇儲講下教館員皆不過循行數墨之嘗實深負

皇帝竊祿鯨官之罰以至兩年佐禮尤無寸効可

恩報書間伏睹

皇上聰徹古今綜核名實每當登進備極精詳旣

采諸衆議之公復斷自

淵衷之獨卽頃者會推兩次不召對再三期得真

然才以需大受一時師濟不乏名流而猥以愚
陋婦臣濫膺特典悞辱殊知躡進崇階叨陪
恩雖深于履載懼實凜于淵冰昔

高皇帝妙選侍臣專資顧問兩平封豕無七放而
文皇帝首開東閣特簡儒英臣何人斯敢當茲寄矧

今日尤中外多事在
至尊且宵旰爲勞卽名碩猶費拮据若虛庸豈
堪步武臣旣下揚古人量已之義又恐上負

聖主知人之明謹瀝下誠仰干

天聽伏乞

聖明俯收成命別簡才賢庶愚分得以少安而政

本亦因之增重矣

云云

崇禎十五年六月二十二日上二十四日奉

聖旨卿器品端凝學行醇博政本重任特茲簡畀
着卽遵旨入閣佐理不必遜辭該部知道

香明德...

聖旨...

崇德...

本...

聖門...

天...

聖主...

中左門召對面揀會推下獄諸位壬午六月二十三日

壬午六月二十一日巳未璟既被

命入閣二十二日吏部咨到即會同官黃公景昉

吳公甦上辭疏方候

旨未敢出門二十三日

上忽傳召五府九卿京營總協及科道掌印來

中左門召對首輔周公延儒以病辭不入惟陳

公演偕府部各官入璟原係禮部侍郎吳公

係協理戎政侍郎皆在九卿之列不敢不出

因相約入

東閣同坐旋入弘政門過文昭閣入直房

上賜飯甚豐潔璟與吳公同一席頃之

上御中左門

皇太子

定王

永王左右侍立

上黃袍

太子

諸王紅袍也各官行一拜二叩頭禮畢

謝賜飯畢司禮監過奏行朝

東宮禮各官一拜三叩頭

東宮曰先生有勞司禮又過奏行朝

定王永王禮各官一拜一叩頭

二王曰先生有勞既畢璟及吳公過跪璟奏臣

德璟臣牲欽蒙

聖恩點補閣員臣等具疏叩辭方在候命今蒙

召對理合趨承謹奏知

上曰朕知道了兵部尚書陳公新甲工部尚書劉

公遵憲戶部侍郎莊公祖誨兵部侍郎馮公
元颺通政使沈公惟炳右通政金公光辰各
以事致詞次第過奏訖

上喚吏部尚書李日宣來其聲頗厲李公卽過跪
次喚吏科都給事中章正宸河南道張察院
瑄都副都御史房可壯工部侍郎宋玫大理
寺卿張三謨來諸公各過跪

上曰枚卜大典輔弼重臣如何濫推許多如房可
壯等三人果堪推舉麼吏部用人之官通是

狗私濫舉責令回話尚是一片支吾

天語尚多日宣初不敢對旋奏臣日宣事

皇上有年從來不敢狗私

云云

上曰前在平臺爾奏當秉公執法惟知有君父不
知有私交知有國法不知有情面那一件不
是情面朕申飭數次優容全然不悛天下不
治總繇用人不當枚卜如此其餘可知日宣
奏枚卜會推時臣令文選司郎中與科道往
復商確並不敢執拗不敢輕徇正宸奏日宣

素是游移的人絕無執持臣前曾有公疏糾
他只此番推舉實是不敢徇私卽房可壯宋
致張三謨在輔弼原是不堪然平素原是好
的

上默然瑄亦奏不敢徇濫之意日宣奏臣俱與科
道商酌停當如房可壯素有風采宋致年少
向學張三謨亦曾掌河南道印過

上怒日住了錦衣衛通著拿了王錫衮著改吏部
侍郎署印日宣等六人去冠拿出候

旨是時

天怒方震相顧失色璟語吳公吾二人決當申棊
而在列諸公皆以

聖怒不可輕犯爲言璟卽出班吳公同出至
御前跪璟奏臣德璟臣姓謹奏臣等學問空疎才
識庸下輔弼大任臣等萬分不敢當昨已具
疏懇辭還望

皇上收回成命以安愚分

上日卿等練才端品朕特行簡用不允所辭璟二

人承旨訖璟奏頃蒙拿下諸臣平素亦是好的一時有罪伏望

聖恩寬宥少霽

天威吳公亦奏懇求寬宥云

云

上曰頃宣諭已明卿等不必申救璟再奏臣等亦在會推中既是會推諸臣有罪臣等豈敢自安就是

新命也不敢冒昧承當吳公亦奏乞寬宥諸臣庶於大典有光璟復申言之

上曰已有旨了起來陳公演奏天下不治實緣用人未當吏部爲用人之官

聖明申飭果是妥當然枚卜大典尚望

聖慈寬宥

上曰宣諭已明卿不必申救演又奏枚卜固是大典卽邊上督撫諸臣亦極有關係此後當慎之于始方可得人左都御史王公道直過奏頃會推俱冢臣與科道商確臣從來不敢置

一語

上令之起因論此後枚卜只用翰林其各衙門三品以上間陪一二人不許多推永著爲例錫袞過辭署吏部印

上不許旋令各賜茶餅五府九卿科道各跪下意欲申救相顧無發語者惟禮部尚書林公欲楫奏臣新從外來並不知會推事體只後來再推臣亦在濫推之中還望少息

聖怒寬宥諸臣

上曰宣諭已明卿不必申救遂退明日有

旨下六人干刑部獄或謂初次不與推者流言入內及再推又有不與者陰行中傷而復有二十四氣之目徑達

御前小人傾陷無所不有可爲浩嘆璟退而與黃公景昉吳公甦商之吾三人會推中人已蒙點用而房宋張三公與推反下獄升沉懸隔踧躅不安且吏部都察院吏科河南道皆推舉之人推者下獄則爲所推者豈有冒昧入直之理約俟再疏辭免不允卽合疏力救必

得釋而後任庶不愧古人以十事進說之意
比辭疏再上皆以乞恩寬宥爲言竟不許七
月初四日
上召對新閣臣于 中極臣璟三人復跪懇力求
者三然竟不能回天深負媿云

再辭入閣疏

禮部右侍郎兼翰林院侍讀學士臣蔣德璟
謹

奏爲

隆恩重任萬難祇承再瀝悃誠懇祈
聖鑒事頃因 廷推閣員微臣誤蒙
簡用隨卽具疏控辭奉

聖旨卿器品端凝學行醇博政本重任特茲簡畀
着卽遵旨入閣佐理不必遜辭該部知道欽此

臣先於本月二十三日蒙
召對中左門業以才識庸下學問空疎面懇控
辭未蒙矜允茲復奉有

榮命安敢再瀆

宸嚴乃捫心私揣實有跼蹐不敢當者竊惟內

閣之任原與諸司不同其地甚親為責甚重

卽在治平無事尚恐佐理難勝而今何時也

臣猶記在

中極親領德音以滅奴蕩寇為期以覈餉練兵

為要上惕

天變下軫民窮近惜人才遠追

祖制蓋在

清問下垂之頃已具中興決勝之全而臣拙訥

自慚迂疎無當退自循省悚懼特深方私抱

隕越之憂安能陪贊襄之末又攷內閣建

立以來實在

成祖壬午之歲距今壬午二百四十餘年而自萬曆

已未以前閣臣數未踰百迨至庚申以後不

帝五十餘員大約時際其難豈盡才遜于古
况以微臣之謏劣萬不如人而當

聖主之勵精尤非易稱雖處鈍或可以藏拙而試
劇立見其叢愆至會推得罪諸臣自干

嚴譴臣既凜奉

面諭何敢更控

天恩而 異命方申

震綸並渙實覺戰兢之臨

谷尚希

覆載之包荒伏乞

皇上俯鑒愚忱非繇矯飾容臣仍守原職益勵初
心其爲生成之恩更在拔擢之外 云云

崇禎十五年六月二十五日上本月二十七

日奉

聖旨卿邃識貞標寅清著望時艱亟資幹濟著卽
入直受事以副延佇慎勿再稽該部知道

內閣到任謝恩疏崇禎壬午六月二十九日

禮部尚書兼東閣大學士臣蔣德璟謹

奏爲感激

天恩恭陳謝悃事臣仰蒙

皇上特簡兩疏控辭未徼

鑒允臣不敢再有瀆陳謹于本月二十九日午

門前行五拜三叩頭禮謝

恩外本日到任辦事訖伏念臣性本專愚學多疎

鹵叨塵 禁近二十餘年素寡交游自安淡

退不自意仰荷

知遇進佐政機循揣分涯實踰望外敢不誓圖報
稱勉効馳驅恭惟

皇上以聰明睿知之資具文武聖神之略求治之
切前古所稀近如 蠲賦省刑 雪冤起錮

神交六子

躬行再耕曲軫民生廣開言路無事不遵

祖武舉念直與

天通至于邊腹之圖廻尤費堂皇之咨倣臣卽叅陪

末議何能更佐助勦惟是習積已深振刷未

易

祖制本自精審而沿玩祇襲具文

聖心備極焦勞而奉行終歸虛飾欲循名以責實
在設誠而致行神氣旣張膚功自奏若迺慎
嚴一介益集衆思勞怨不辭虛公自矢此則
微臣勿欺之素志倍當拜

命而凜然者也所恃

聖明在上耆碩在前兼賴同升之賢共効協恭之

誼庶獲免于實越以無玷于
恩知臣無任感激屏營之至

崇禎十五年六月廿九日上奉

聖旨覽卿奏謝到任佐理兼陳盡悃朕心嘉悅知
道了該部知道

謝 賜鋪陳揭帖

大學士臣蔣德璟等謹 題欽蒙

皇上發下臣等直房鋪陳每員二分俱頓首祇領
訖臣等仰叨

聖念隆渥踰嘗不勝感戴 天恩之至謹具揭恭

謝以 聞

計開

紅綾夾被二

紅綾綿被二

青綾厚褥二

青絹帳二

藍綾褥二

青綾春凳坐二

青綜絲枕二

崇禎十五年七月初二日大學士臣蔣德璟

臣黃景昉

臣吳 牲

奉

聖旨覽卿等奏謝朕知道了

回奏會推下獄七人揭帖

崇禎壬午

題爲欽奉

聖諭事本日申時接出

御批諭內閣

云

云

臣等跪讀再三不勝悚惶不勝

兢凜伏念臣等資才庸下學問迂疎過蒙

皇上拔置綸扉旦夕皇皇惟隕越是懼昨蒙 召

入 申極殿恭侍 左右叨承 天語一切

禦奴蕩寇選將練兵於凡邊腹情形督撫才
料之緩急士馬之虛實無不洞觀肯綮妙晰

機宜臣等相顧讐服自愧書生愚昧無以仰
佐高深而於對揚之際因及李日宣等一
案冒昧控陳仰蒙
聖度包涵不加譴責詳示以濫徇之罪難復輕容
弘開夫分別之恩總歸寬恕真大聖人無我
之虛懷而

高皇帝不測之作用也至於日昃不遑天光下
濟泰交盛事千載一時臣等退而循省既
以爲榮更以爲懼已復念積習旣久中外相

蒙

聖心備極焦勞而外庭容多疑揣謹遵

旨擬諭上請伏乞俯賜裁奪所奉

聖諭尊藏閣中臣等可勝感激屏營之至

崇禎十五年七月初四日

回奏侯恂虎大威等揭

壬午七月

題本日未時接到

御前發下匣封內一件一

本御批一道仰見

皇上精詳周到不勝悚服昨欽承

面諭後卽傳

吏戶兵三部掌印官到閣臣等恭述 聖諭

細加商議除三臣各自回奏外臣等昨亦以
部覆左良玉虎大威同處爲疑而樞臣密奏
內意欲各降三級以安左帥之心而責其後
效故不得如其擬若論賞罰大法則勇奮

殺賊與擁師奔敗者自屬不同二將功罪具
在 日月焰臨中相應分別懲勸以鼓敢戰
之氣而服將士之心 聖斷如神真非臣愚
所能仰贊萬一也至援師無統委屬可慮臣
等與樞臣再三商確樞臣謂現用侯恂似不
便再增一人且造次亦無人可推議且令恂
與王漢統率援兵急解汴圍以俟秦督之至
計樞臣已自回奏必能熟籌之也謹 題

崇禎十五年七月初九日

恭紀 賜坐 中左門手記兵部司官奏對

壬午七月初十日

崇禎十五年七月初十日

上御中左門內 龍幄 召對兵部四司官十四
人 面賜咨詢於 御幄左右設四榻各置
東帡筆硯水注 令輔臣侍坐門內手記各
司官奏對臣等跪承旨訖分左右就坐德璟
坐 御幄右各執筆隨聽隨書是日大雨
上甚喜既畢臣等過跪奏手記潦草容到閣謄真

進呈 上可之回閣彙騰進呈四鼓方出十
一日卯時

上將十四本密封黃匣內并吏部甄別司官一本
臣等具揭一本欽奉

御批言貌原不能盡人才今有各官奏對十四本
再叅之部評還得先生每分別評品來看其奏
對記開摺子留覽欽此臣等卽具揭言樞屬各
員臣等雖未甚悉然其才品中外亦有公評
謹據前日奏對合之輿論見聞酌分三等如

張經宋祖法尹民興李呈祥四員精強敏練
雅稱邊畧之選此可任邊道以儲將來建牙
之用如龔彝周仲璉漆嘉祉任中麟吳一元
鄒魁明六員儘有識謀兼肯實幹堪膺繁劇
之寄第未敢遽許邊才如鄭爾說丁序琨梁
應龍寇可教四員人亦醇謹或於兵務未甚
相習不妨改部別用以明器使此外部疏中
尚有未任及奉差者臣等不敢議及第就十
四人而品第之如此至其奏對之優劣與本

部堂官之評騭大約亦不甚相遠伏候
聖裁批定臣等方敢擬議謹同十四本併繳進原
奉 批揭尊藏閣中謹 題翼日

上悉報可蓋

聖意以奴寇未滅博求邊才於樞屬特所重而諸
郎如張經尹民興宋祖法漆嘉祉龔彝等語
亦多可采然不能盡記也侍坐盛典兼責以
詢事考言之指實千載一時焉壬午七月十
一日臣德璟謹記

回奏文武卹典揭帖壬午七月

題適西時蒙

發下匣封內臣等擬票過工部

一本

御批一件文武卹典多寡懸殊先生每再加看詳
來說欽此臣等叩頭恭誦仰見

皇上文理密察容光必炤不勝悚服昨臣等看詳
此本心亦有疑因察之 會典則開載自明
工部所稱炤例委屬有據是以遂爲擬票頃
蒙 批示臣等因再加看詳私相擬議竊謂

舊制於武臣見給物料於文臣止給價銀正優恤
武臣親爲營塋之義觀寶源營繕各局所辦
造冥器等項則其爲加意可知惟是夫匠數
目太懸則武臣似已撥有囚徒造墳而夫匠
又在其外者耳然 會典大義蓋爲在 京
勲臣都督等官而言所以撥給夫匠亦在後
府與順天府而磚灰之類俱給本色若在外
武臣則原未議及究竟 典制本意未知作
何畫一臣等亦未有確據也謹另擬一票令

部科詳加考訂乘目前重修 會典之時亦
可爲損益斟酌之一助謹具揭回奏原奉

聖諭尊藏閣中謹 題

崇禎十五年七月十二日

皇貴妃田氏諡冊文

壬午七月

維崇禎十五年歲次壬午七月己巳朔二十四日壬辰

皇帝制曰桂殿承芳輝冠三星之首蘭宮隕秀禮
崇六列之先惟昭德於生前宜隆恩于身後
爾皇貴妃田氏生有令質早晉榮封麟趾鍾
祥式衍振繩之慶鷄鳴效警時褰宵旰之勤
淑譽方宣遺芳遽掩望帷如在悲空結於瑤
華辭輦猶聞名應高于彤管欲章懿範宜有

褒旌爰稽素履諡爲恭淑端慧靜懷皇貴妃
靈其有知尚歆寵渥

崇禎十五年七月二十四日

恭謝

御筆勅諭揭帖

十五年七月二十六日

題適文書官李悅心到閣恭奉

勅諭一道

皇帝勅諭輔臣蔣德璟

朕以涼德纂服昕夕靡敢荒寧幾務殷繁愆忘
是懼賴卿等盡心匡導卽事贊襄視國猶家圖
難於易調和銷彌未易枚舉卽如本月初九日
偶因微恙暫免早朝方愧宵衣卽勤補牘卿等

忠純體國念篤愛君上攷典謨惓惓于君要臣
詳之義深惟易傳懇懇於晝動夜靜之宜意比
常弦言同藥石朕心忻悅是用褒嘉惟海宇當
多事之時而拮据賴克艱之佐臣勞而君乃逸
內治則外自寧卿等其益納誨無方匡朕不逮
虔終如始共保

天休欽哉故諭欽此臣等謹叩頭恭誦不勝感愧
不勝驚悚仰惟

皇上 天鏡高懸 河魁獨運以五帝神聖群臣

莫及之資當四海多虞一日萬幾之會

舉念卽周邊腹 勞神不止旰宵臣等百凡

踈庸毫無報稱伴食自愧覆餗是憂過蒙

天語褒嘉重以 龍箋揮灑旣獎以愛

君體 國復勗以納誨虔終循省之餘無限跼蹐

至於

宸翰高秀

御筆莊嚴燦乎星斗摘光矯若龍鸞絢采臣等仰
觀心悚拜舞神驚顧此犬馬之微過荷

雲天之責在揄揚以莫罄卽捐糜其敢辭惟
當叩釋

訓言矢竭愚鈍求不負君逸臣勞之義以庶幾內
治外寧之休容另報名廷謝外謹具摺恭謝
可勝頂戴

天恩之至謹題

崇禎十五年七月二十六日

恭謝

手勅褒嘉揭帖

崇禎壬午七月

題適文書官李悅心到閣恭奉

勅諭一道

皇帝勅諭輔臣周延儒陳演蔣德璟黃景昉吳牲
朕以京德纂服昕夕靡敢荒寧幾務殷繁愆忘
是懼賴卿等盡心匡導卽事贊襄視國猶家圖
難於易調和銷彌未易枚舉卽如本月初九日
偶因微恙暫免蚤朝方愧宵衣卽勤補牘卿等

忠純體國念篤愛君上攷典謨惓惓于君要臣
詳之義深惟易傳懇懇於晝動夜靜之宜意比
韋弦言同藥石朕心忻悅是用褒嘉惟海宇當
多事之時而拮据賴克艱之佐臣勞而君乃逸
皇內治則外自寧卿等其益納誨無方匡朕不逮
虔終如始共保

天休欽哉故諭欽此臣等謹叩頭恭誦不勝感愧不
勝兢悚仰惟

皇上天鏡高懸河魁獨運以五帝神聖羣臣

莫及之資當四海多虞一日萬幾之會舉
念卽周邊腹勞神不止肝宵臣等百九踈
庸毫無報稱伴食自愧覆餗是憂過蒙天
語褒嘉重以龍箋揮灑旣獎以愛君體國
復勗以納誨虔終循省之餘無限跼踖至於

宸翰高秀

御筆莊嚴燦乎星斗摘光矯若龍鸞絢采臣等仰
觀心悚拜舞神馳自顧犬馬之微過荷雲
天之責在揄揚以莫罄卽捐糜其敬辭惟當

恭謝褒嘉

叩釋實訓言矢竭愚鈍求不負君逸臣勞之
義以庶幾外寧內治之休容另報名 廷謝
簡筆外謹具揭恭 謝以

聞崇禎十五年七月二十七日

欽奉密封言夷丁事

壬午八月初四日酉時

御批適纔據王之俊呈彼堂官之事深屬可虞除
面諭及傅王承恩等外今應密計一防禦之策
如萬一傳諭不聽致有謀逆之事此輩狼子野
心非投奴恐投流恐爲患未已當密傳兵部預
行籌筭其奔突之途寫爲文檄無事則已如用
卽刻分投星馳不致有誤先生每卽刻傳與
因前年募夷丁入京營深爲民害而又皆有
妻子領餉獨厚糜耗不貲辛巳發數千于宣

大以鼓譟爲提督張福臻誘殺自是洶洶不安提督勇衛營王之俊密奏叵測是夜卽傳兵部密商翼日次第發安插延綏等處以原營總兵王定等督之給賜甚厚其妻子行裝皆用車騾捆載去然夷丁實勁悍可用特不當在京城耳

恭奉

御批建祧廟

圖五幅小紀

八月初五日

朕恭視

太廟

奉先殿

祖廟帝后神位不覺孝念愴感崑而爲

祧廟

英廟之

孝肅皇后

憲宗之

孝穆皇后

孝惠皇后終歲無一祭也 見廟

世廟之

孝烈皇后

孝恪皇后

穆廟之

孝安皇后

孝定皇后

神廟之

孝靖皇后

光廟之

孝和皇后

孝純皇后忌辰不得設祭服青也在 太廟殿宇三

層皆九間前殿時享祫祭之所中殿 見廟

後殿 祧廟皆同堂異室一 帝一 后而

十位 繼后 聖母不與焉此大禮不敢輕

議在 奉先殿一層九間亦同堂異室 見

廟 帝后及七位 繼后 聖母咸在焉時

享大禘行禮於太廟 奉先殿則凡遇節令朔望忌辰等典禮皆有祭祀獨

孝烈等七位 繼后 聖母忌辰不得設祭又不得

服青若 祧廟三位 繼后聖母終歲諸祭

皆無此朕孝思所以難已也今謹察供奉各

殿則有 神霄 弘孝 本恩 奉慈

怡神等殿朕親行相度惟 本恩殿規謨大濶

欲命所司改建殿宇二層每層九間亦同堂

異室 供安 祧廟

德祖以至

孝宗九廟於前殿而

孝肅皇后 孝穆皇后 孝惠皇后恭炤 奉先殿

例供安行人禮惟每年大禘禮畢躬行一

祭後殿以備將來祧請之殿其

世廟孝烈等七位 繼后 聖母逢忌之日宜否設

祭服青昨見該部疏奏似尚未晰此意故再

諭之

發下圖五幅

太廟前殿不開外

一為中 寢殿位次九室一 帝一 后

一為後 寢殿九室則 祧廟也

德 懿 熙 仁及

仁 宣 英 憲 孝共九位亦一 帝一 后

一為 奉先殿見供座次

太祖 成祖 睿宗 武宗皆一 帝一 后

世宗自 孝潔后外有 孝烈 孝恪二后

穆宗自 孝懿外有 孝安 孝定二后

神宗自 孝端外有 孝靖一后

光宗自 孝元外有 孝和 孝純二后

熹宗則后尚存也

一為嘗盈庫改造殿宇配殿間牆閃樣

一為 奉先殿 怡神殿 六宮五所 仁壽

殿 本恩殿總樣

是日 日講畢 召對閣臣出

御批并圖五幅示臣等

上起立親指示 本恩殿常盈庫曠地堪以改造

之詳且云木石磚瓦諸料俱已預備臣等仰
見國正神不知
孝思諄切不敢遽阻然於禮實未合其說具前

召對中不知

回奏 面諭屯海諸事揭帖 壬午八月

題今日蒙 皇上面諭仰見 睿慮精詳於凡

邊腹情形無不周到臣等相顧悚服當即傳
吏戶兵三部臣到東閣除推舉堪任屯田及
用海圖奴運糧抹汗議更薊督速發營丁諸
款皆密加商訂聽三部臣自行回奏外所有
宣大督撫鎮道勅諭一道謹擬稿進 呈伏
乞 裁定謹 題

崇禎十五年八月初七日

賜經筵

勅諭

崇禎壬午八月

皇帝勅諭禮部尚書兼東閣大學士蔣德璟朕惟帝王圖治必以務學爲先蓋敬怠總握於君心而法戒備彰於古訓講學勤政相須尚矣我

祖宗神聖御天率隆斯軌朕用遜志罔敢荒寧爰自元年講筵肇舉於今十有五載方以明透經義實裨治理爲儒臣勗乃至宥密之地彌資啓沃之功茲特命太傅成國公朱純臣少傅兼太子太傅吏部尚書建極殿大學士周延儒知經筵

事爾同禮部尚書兼文淵閣大學士陳演禮部
尚書兼東閣大學士黃景昉吳甦同知經筵事
禮部尚書兼翰林院學士林欲楫等充經筵講
官於戲終始典於學克建赫濯之猷緝熙單厥
心爰迓版章之福自古帝王之學問非徒文字
之敷陳其道在知人安民其本則正心誠意脉
絡雖遠綱領可尋朕每寤寐五三表章六子間
沿今以邇古而實効尚稽卽因理以求心而精
義未晰卿等學在經世志矢格君尚其深研危
微明陳標本以及人才國是吏治民生一切安
內攘外之圖務求制勝保邦之要各殫忠藎勿
騁繁華俾嘉言得見諸施行而上理可追于隆
古予一人實嘉賴焉欽哉故諭

勅

命

崇禎十五年八月初九日

之

寶

回奏發帑屯種揭 壬午八月

頃恭奉

御批 御前發銀十萬兩作買籽種之用仰見

皇上興屯重農至意又蒙 諭於計臣酌買料豆

疏內令臣等或出 旨此疏或另撰 諭來

行 聖慮精詳極爲周到臣等切思料豆之

買爲城守用其銀在新舊餉借支而此籽種

之買爲屯田用其銀在 內帑給發意雖皆

重儲備而事則各有責成似當另出一諭且

乘此豐登價平之時卽預爲來年屯種之計
聖明一番德意亦宜特行頒示以見鄭重屯政如
此其預而凡爲屯官者無敢不盡心畢力以
効馳驅推之而事事有備以爲未雨徹桑之
防又不獨一屯事已也臣等謹擬稿進
呈另擬一票恭候 聖裁原奉 批摺尊藏閣

中謹題

崇禎十五年八月十四日

